

Cerita Kaki

Kucing dipilih Datuk Bandar

TALKEETNA 15 Julai - Penduduk pekan terpencil di Alaska ini, yang tidak bersetuju dengan calon Datuk Bandar pada tahun lalu, melancarkan kempen tandatangan untuk melantik seekor kucing menjadi Datuk Bandar.

Walaupun kucing yang diberi nama Stubbs itu akan hanya memegang jawatan kehormat, namun pemilihannya itu telah mendapat liputan meluas media sehingga pekan itu yang terletak di kaki Gunung McKinley menjadi tarikan pelancong.

Penduduk gembira dengan pemilihan Stubbs, kucing yang berekor kontot itu, sekali gus meningkatkan pelancongan di kawasan tersebut.

Setiap hari berpuluh-puluh pelancong datang ke kedai tempat Stubbs ditempatkan bertanyakan tentangnya. - AP